

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD LUKAVAC
JAVNA USTANOVA RADIO –TELEVIZIJA LUKAVAC**

**Broj: 01-218-1/25
Lukavac, 13.6.2025. godine**

Na osnovu člana 5. i 6. Pravilnika o organizaciji, sistematizaciji radnih mjesta, poslova i radnih zadataka u JU RTV Lukavac, broj: 01-18/22 od 13.01.2022. godine i broj: 01-151-4/25 od 29.4.2025. godine, Pravilnika o postupku prijema u radni odnos u JU Radio-televizija Lukavac, broj: 01-21/22 od 13.1.2022. godine, Odluke Upravnog odbora JU RTV Lukavac o imenovanju Vršioca dužnosti glavnog i odgovornog urednika JU RTV Lukavac, broj: 01-151-6/25 od 29.4.2025. godine, Odluke Upravnog odbora JU RTV Lukavac za raspisivanje Javnog oglasa za izbor i imenovanje Glavnog i odgovornog urednika JU RTV Lukavac, broj: 01-190-9/25 od 30.5.2025. godine raspisuje se

JAVNI OGLAS

ZA IZBOR I IMENOVANJE GLAVNOG I ODGOVORNOG UREDNIKA JAVNE USTANOVE RADIO - TELEVIZIJE LUKAVAC

I

Javna Ustanova Radio – televizija Lukavac, sa sjedištem u Lukavcu, ulica Titova bb 75300 Lukavac (u daljem tekstu JU RTV Lukavac), raspisuje Javni oglas za izbor i imenovanje Glavnog i odgovornog urednika JU RTV Lukavac, na mandatni period od četiri (4) godine.

II

OPIS POZICIJE:

- Rukovodi Programskim sektorom,
- Odgovara za zakonitost rada RTV Lukavac,
- Predlaže programske šeme radija i televizije i iste dostavlja direktoru na odobravanje,
- Odgovara za sprovođenje programskih šema i programskih projekata RTV Lukavac,
- Nadgleda sprovođenje pravila Regulatorne agencije za komunikacije i odgovara za njihovu provedbu,
- Odgovoran je za sve programe radija, televizije i WEB portala RTV Lukavac,
- Daje saglasnost na sadržaje koji se objavljuju na web stranici (portalu) i Facebook profilu Radio - televizije Lukavac,
- Predlaže direktoru uređivačku politiku i odgovoran je za njenu realizaciju,
- Svakodnevno održava redakcijske sastanke i organizuje rad u redakciji,
- Učestvuje u planiranju i realizaciji dnevnih zadataka,

- Vršiti selekciju događaja, vijesti, saopštenja i drugih informacija koje će biti objavljene na radiju i televiziji,
- Priprema, realizuje, uređuje priloge i emisije i po nalogu direktora iste i realizuje,
- Po potrebi obavlja i poslove novinara, a po nalogu direktora,
- Radi minimalno jednu emisiju sedmično,
- Ocjenjuje i selektira pojedine emisije i priloge i daje analizu rada redakcije povodom emisija i priloga,
- Prati rejting radija i televizije, te podnosi izvještaj direktoru,
- Odlučuje o rasporedu emisija u programu,
- Dva puta godišnje podnosi izvještaj o radu direktoru o realizaciji programskih zadataka i obaveza i sprovođenju programske šeme,
- Radi i druge poslove po nalogu direktora,
- Za svoj rad odgovara direktoru.

III

OPĆI USLOVI

Kandidat mora ispunjavati slijedeće opće uslove:

- da je državljanin BiH,
- da je stariji od 18 godina,
- da ima prebivalište na teritoriji BiH,
- da ima univerzitetsku diplomu ili druge obrazovne ili akademske kvalifikacije ili drugi odgovarajući stepen stručne spreme koji dokazuje diplomom,
- da je zdravstveno sposoban za obavljanje poslova predviđenih za to radno mjesto,
- da nije obuhvaćen odredbama člana 9 Ustava BiH,
- da se protiv njega ne vodi krivični postupak.

POSEBNI USLOVI

Kandidat mora ispunjavati slijedeće posebne uslove:

- da ima visoku stručnu spremu (VSS),
- da ima najmanje dvije (2.) godine radnog iskustva na poslovima visoke stručne spreme i
- da nema odgovornost unutar političke partije ili organizacije koja je povezana sa političkom partijom.

IV

POTREBNA DOKUMENTACIJA

Prilikom prijave na Javni oglas, kandidati su obavezni uredno popuniti Prijavni obrazac koji mogu pronaći na web stranici JU RTV Lukavac (www.rtvlukavac.ba) ili ga preuzeti na protokolu JU RTV Lukavac, uz kraću biografiju i kontakt podatke i uz to dostaviti sljedeću dokumentaciju (orginal ili ovjerene fotokopije) kao dokaz o ispunjavanju općih i posebnih uslova:

- Uvjerenje o državljanstvu (ne starije od šest mjeseci),
- Izvod iz matične knjige rođenih,
- PBA-3 obrazac,
- Diploma o završenom fakultetu, odgovarajućoj školskoj spremi,

- Uvjerenje o potrebnom radnom iskustvu,
- Ovjerenu izjavu kandidata na okolnosti iz člana III (Opći uslovi) alineja 6 i
- Ovjerenu izjavu kandidata na okolnosti iz člana III (Posebni uslovi) alineja 3.

Samo izabrani kandidat će biti u obavezi da u određenom roku dostavi i:

- Ljekarsko uvjerenje, kao dokaz da njegovo zdravstveno stanje i psihofizičke sposobnosti odgovaraju uvjetima radnog mjesta za koje se raspisuje Javni oglas,
- Uvjerenje o nevođenju krivičnog postupka i
- Program rada za četverogodišnji period uz prijedlog radijske i televizijske programske šeme.

V

UREDNA, POTPUNA I BLAGOVREMENA PRIJAVA

Urednom prijavom na Javni oglas smatra se uredno popunjen PRIJAVNI OBRAZAC. Svi dokumenti koji se prilažu uz prijavu moraju biti u originalu ili ovjerenim fotokopijama. Potpunom prijavom smatra se prijava uz koju su priloženi svi dokazi o ispunjavanju općih i posebnih uslova koji su naznačeni u Javnom oglasu, dok se blagovremenom prijavom smatra prijava koja je podnesena u roku koji je određen u Javnom oglasu.

Nepotpune, neuredne i neblagovremene prijave se neće razmatrati.

VI

PROCES IZBORA KANDIDATA

Direktor će imenovati Komisiju za izbor kandidata po Javnom oglasu koja će izvršiti selekciju prijave na Javni oglas, te samo kandidati čije su prijave uredne, potpune i blagovremene će steći pravo da pristupe pismenom ispitu, o čijem terminu održavanja će kandidati biti blagovremeno obavješteni. Kandidati koji na pismenom ispitu ostvare najmanje 60 % od ukupnog broja bodova steći će pravo da pristupe na usmeni ispit (inervju). Kandidati koji na pismenom ispitu ostvare manje od 60 % od ukupnog broja bodova isključuju se iz dalje procedure izbora kandidata po Javnom oglasu.

VII

PREDNOST PRI IZBORU KANDIDATA

Prilikom izbora kandidata prednost imaju kandidati koji to pravo prioriteta ostvaruju prema posebnom zakonu, a to dokazuju odgovarajućim dokumentima (potvrda, uvjerenje i sl.) koje prilažu prilikom prijave na Javni oglas, pozivajući se na poseban zakon po kojem imaju prednost. Pripadnost pri zapošljavanju branioca i članova njihove porodice, vrednovat će se sljedećim redoslijedom:

- a) član porodice šehida, poginulog, umrlog i nestalog borca,
- b) ratni vojni invalid,
- c) dobitnik ratnog priznanja i odlikovanja,
- d) demobilisani borac i
- e) članovi porodice ratnog vojnog invalida, dobitnika ratnog priznanja i odlikovanja i demobilisanog borca.

Lice koje dokazuje svoju pripadnost prema prednje navedenim kategorijama ima prednost pri zapošljavanju ukoliko u odnosu na druge kandidate ima jednak broj osvojenih bodova na pismenom i usmenom ispitu.

VIII

ROK ZA PODNOŠENJE PRIJAVA

Javni oglas će biti objavljen najmanje u jednom dnevnom listu, kao i na web stranici Ustanove. Javni oglas će se dostaviti i Javnoj ustanovi za zapošljavanje Tuzlanskog kantona, odnosno u mjesni ured Službe za zapošljavanje Tuzlanskog kantona, najkasnije na dan njegove objave.

Rok za podnošenje prijava na Javni oglas je osam (8) dana od dana njegove posljednje objave.

Popunjene prijavne obrasce, zajedno sa traženim dokumentima, kandidati dostavljaju u zatvorenoj kovrti lično na protokol JU RTV Lukavac ili putem pošte (preporučeno) na adresu: **Javna Ustanova Radio - televizija Lukavac, Titova bb 75300 Lukavac, sa naznakom: "Prijava na Javni oglas za izbor i imenovanje Glavnog i odgovornog urednika Javne Ustanove Radio – televizije Lukavac - NE OTVARAJ!"**

JU RTV Lukavac nema obavezu vraćanja dokumentacije kandidatima.



UPRAVNI ODBOR JU RTV LUKAVAC

Amela Hodžić
Amela Hodžić, predsjednik